



Kalaallit Arsaattartut Kattuffiata
MALITTARISASSAI
2025

§ 1.

Kattuffiup atia, angerlarsimaffia siunertaalu

- 1.1 Kattuffik ateqarpoq Kalaallit Nunaanni Arsaattartut Kattuffiat (KAK) ullorlu 4. juli 1971-mi pilersinneqarluni. Kattuffik saniatigut ateqarpoq The Football Association of Greenland.
- 1.2 KAK Nuummi, Kommuneqarfik Sermersuumi inissisimasumi angerlarsimaffeqarpoq.

§2.

- 2.1. KAK-p siunertaraa kalaallit arsaannikkut ataatsimut kattuffiussalluni, nunatsinni arsarnikkut avammut pisortatigoortumik sinniisuussalluni kiisalu nunatsinni arsaannerup, nunatta iluani nunanilu allani, siuarsassallugu piorsarlugulu.
- 2.2. Taamatut siunertaqarneq ilaatigut anguniarneqarpoq:
 - nunatsinni unammersuartitsisarnikkut,
 - nunanut allanut unammisarnerit aqqissuuttarnerisigut,
 - unammisartut, siulersortit sungiusaasullu ilinniartittarnerisigut,
 - naliliisartut (dommerit) ilinniartitaanerisa nakkutiginerisigut aammalu
 - arsaanneq pillugu inatsisiliornikkut aammalu pituttuisumik nalilersuisarnikkut.
- 2.3. KAK meeqqanut arsaatsitsisassaaq arsarnermut atuarfik allatullu iliuuseqartarnerit aqqutigalugit piorsaanikkullu.
- 2.4. KAK klubbit ilaasortat tamarmik avammut sinniisoraat.

§ 3.

Kalaallit Timersoqatigiit Kattuffianni (GIF-mi) ilaasortaaneq

- 3.1. KAK Kalaallit Timersoqatigiit Kattuffiannut (GIF-mut) ilaasortaavoq.
- 3.2. KAK aammalu KAK-p ilaasortai tamarmik GIF-p qaqugukkulluunniit atuuttut inatsisai, aalajangersagai aammalu aalajangiineri malissallugit pisussaaffeqarput.
- 3.3. KAK aamma klubbit ilaasortat pisussaaffeqarput, GIF-p ammasumik aqqissuussinerini tamani, GIF-mut ilaasortaanermikk nalunaaruteqartassalluni. Nalunaaruteqarneq unammisitsinerini pilersaarutip saqqummiunneqarnerani minnerpaamik saqqummiunneqartassaaq.

§ 4.

Kattuffiup unammiaartitsisarnera unammisarneralu

- 4.1. KAK-p unammisisarneri ukuusinnaapput:
 - a) Angutit inersimasut Kalaallit Nunaanni/Nunap immikkoortortaani pissartanngorniunnerat.
 - b) Arnat inersimasut Kalaallit Nunaanni/Nunap immikkoortortaani pissartanngorniunnerat.
 - c) Inuusuttut 19-iliisimangitsut Kalaallit Nunaanni/Nunap immikkoortortaani pissartanngorniunnerat.

- d) Inuusuttuaqqat 18-iliisimanngitsut Kalaallit Nunaanni/Nunap immikkoortortaani pissartanngorniunnerat.
- e) Inuusuttuaqqat 17-iliisimanngitsut Kalaallit Nunaanni/Nunap immikkoortortaani pissartanngorniunnerat.
- f) Inuusuttuaqqat 15-iliisimanngitsut Kalaallit Nunaanni/Nunap immikkoortortaani pissartanngorniunnerat.
- g) Meeqqat 13-iliisimanngitsut Nunap immikkoortortaani pissartanngorniunnerat.
- h) Meeqqat 11-iliisimanngitsut Nunap immikkoortortaani pissartanngorniunnerat.
- i) Angutit utoqqasaat/arnat utoqqasaat Kalaallit Nunaanni/Nunap immikkoortortaani pissartanngorniunnerat.

4.2. KAK-p unammisitsinissamik nalunaarutigisai qaqugukkulluunniit unammiaartitsisar-nermut aqqissuussinerit aammalu siulersuisuniit aaljaangiunneqarsimasut unammiaartitsinissat kiisalu ilassutitut aaljaangiussat malillugit tamatigut pilersaarusioneqartassapput, ingerlanneqartassapput aqqissuunneqarlutillu.

4.3. KAK-mi arsaannermi malittarisassat "The International Football Association Board"-ip qaqugumulluunniit arsaannermut inatsisai atuuttut nunanilu tamalaani aalajangiinerit malillugit unammisoqartassaaq.

4.4. KAK-p klubbinut ilaasortanut tamanut arsaannermi malittarisassat kiisalu qaqugumiit atuutilissanersut pillugit allannguutit allakkatigut nalunaarutigisassavai.

4.5. Siulersuisut unammisitsinerni aammalu unamminerni suliasat KAK-p ataani ataatsimiititalianut suliaakkiissutigisinnaavaat.

§ 5.

Kattuffiup ilaasortai

5.1. Kinaluunniit peqatigiiffimmut sumulluunniit, 15-it sinnerlugit ilaasortaqtumut aammalu Kalaallit Nunaanni arsarnerup tungaatigut klubbitut ingerlatsinissamik siunertaqtumut, ilaasortanngorsinnaavoq.

5.2. Kattuffimmut ilaasortanngorniariarluni qinnuteqaat allakkatigut nassiunneqassaaq. Qinnuteqaat peqatigiiffiup malittarisassaanik, siulersuisut inuttalersorneqarnerinik, peqatigiiffiup najugaanik kiisalu ilaasortat nalunaarsorsimaffianik imaqassaaq. Ilaasortat nalunaarsorsimaffiat imatut agguataarsimassaaq:

- a) ilaasortat 31-it sinnerlugit ukiulinnut,
- b) ilaasortat 18-it 30-illu akornanni ukiulinnut,
- c) ilaasortat 15-it 18-illu akornanni ukiulinnut aamma
- d) ilaasortat 15-it ataallugit ukiulinnut.

Qinnuteqarnermi atatillugu peqataaffiup ilaasortai nalunaarutigineqassapput, tassunga ilaassalluni ulloq ilaasortanngorfiat aammalu ulloq inunngorfiat.

Ilaasortat 15-inik ukioqalerfissaani ukiup nikinnerani, ilaasorta d)-miit c)-mut nalunaarsorneqartassaaq, taamatullu immikkoortunut siuliini taaneqartunut nikittussaasimagaangata.

5.3. Klubbit ilaasortat tamarmik pisussaapput kikkulluunniit meeqqanik inuusuttuaqqanillu suliaqartut pillugit meeqqanik pinerliisimannginnermut uppersaammik pissarsinissamut,

takuuk meeqqanik pinerliisimanginnermut uppernarsaatinik
piumasaqaateqartussaataaneq pillugu Inatsisartut inatsisaat nr. 8, 19. maj 2010-imeersoq.

- 5.4. Klubbimi ilaasortami ataasiakkaaniit meeqqanik pinerliisimanginnermut uppernarsaat tiguneqaraangat, klubbip ilaasortap uppernarsaatip assilinera piaartumik KAK-mut nassiuttassavaa.
- 5.5. Peqatigiiffiup qinnuteqaammut atatillugu aamma nalunaarutigissavaa unammisartut atisaasa angerlarsimagaangamik atortagaasa ilisarnaataat. Ilisarnaat klubbit ilaasortaareersut ilisarnaataannut assingussanngilaq.

§6.

- 6.1. Klubbit ilaasortat qaqugumulluunniit ilaasortamik nalunaarsorsimaffiat GIF-ip ilaasortaasa allattorsimaffiannut nalunaarsorsimassavaat. Kinaluunniit systemimi nalunaarsorsimasoq KAK-p ataani unamminerni unammeqataasinnaatitaavoq. Pissartanngorniunneq (Futsalimi Kalaallit Nunaanni Pissartanngorniunneq aammalu arsamik Kalaallit Nunaanni pissartanngorniunneq) qaammammik ataatsimik sioqqullugu KAK ilaasortat nalunaarsorsimaffiata assinganik nassinneqassaaq.

§7.

- 7.1. Klubbit ilaasortat pisussaapput ukiumut ataasiarlutik, klubbip ilaasortap ataatsimeersuarneraniit sapaatip akunneri 3-t qaangiunneranni, kingusinnerpaamik ulloq 1. juni, siulersuisut inuttalersorneqarsimanerisa nalunaarutiginnisaanut, taamatullu siulittaasup attavigineqarsinnaaneranut paasissutissat ilanngullugit.
- 7.2. Klubbit ilaasortat pisussaapput siulersuisut inuttalersugaanerisa allannguutaasa tamarmik piaartumik KAK-mut nalunaarutiginnisaannik, taamatullu ilaatigut siulittaasup taarserneqarneratigut.
- 7.3. Kingusinnerpaamik 31. oktober klubbit ilaasortat siulersuisuisa aammalu attavigineqarnissaannut paasissutissat ataatsimoortut KAK-mut nassiunneqassapput.

§ 8.

KAK-p inatsisai

- 8.1. KAK-p inatsisai akuersissutigineqarsimasut kattuffiup ilaasortaanut tamanut atuupput.
- 8.2. Klubbit ilaasortat pisussaapput inatsisit KAK-miit qaqugukkulluunniit atuutsinneqartut malinnissaannut.
- 8.3. KAK-p inatsisai akuersissutigineqarsimasut tamarmik kattuffiup nittartagaanut tamanut saqqummiunneqassapput.

§ 9.

Ilaasortaajunnaarsitsineq mattussigallernerlu

- 9.1. Ilaasorta q kinaluunniit inatsisit § 8 malillugu nalunaarutigineqarsimasunik unioqqutitsisimasoq, KAK-miit mattussaagallarsinnaavoq imaluunniit ilaasortaajunnaarsinneqarsinnaavoq, taamaattoq sivinersunerpaamik ukiuni 2-nni. Aalajangerneq KAK-p siulersuisuiniit isumagineqassaaq. Ilaasortaajunnaarsitsinermi taasinerit 2/3-ii minnerpaamik akuersinerisigut atuutilissaaq.

- 9.2. Kialluunniit aalajangiineq KAK-p inuussutissarsiutigiginagu arsaattartunut ileqqorissaarnissamullu ataatsimiititaliamut suliassanngortissinnaavaa. Suliassanngortitsineq aalajangiinerup tiguneraniit kingusinnerpaamik sapaatip akunneri 4-t qaangiunneranni pissaaq.
- 9.3. KAK-p suliaq GIF-imut ingerlatissinnaavaa piumasaqaatigalugu, aalajangerneq GIF-imi ilaasortanut tamanut atuutsinneqassasoq. Aalajangiineq pillugu suliassanngortitsinermi suliamut tunngasut tamarmik ilanngullugit nassiunneqartassapput. GIF-ip aalajangernera GIF-ip inatsisai qaqugukkulluunniit atuuttut naapertorlugit pisassaaq.

**§ 10.
KAK-p avalerai**

- 10.1. KAK-p avalerai ukuupput:
- a) sinniisoqarfik
 - b) siulersuisut
 - c) kattuffiup nunami immikkoortortai
 - d) inuussutissarsiutigiginagu arsaattartunut ileqqorissaarnissamullu ataatsimiititaliaq
 - e) kukkunersuisut
- 10.2. Kattuffiup nunami immikkortortai imatut agguataarsimapput;
- a) Avannaa (sinniisut marluk)
 - b) Qeqertarsuup tunua (sinniisut pingasut)
 - c) Qeqqa (sinniisut marluk)
 - d) Nuuk (sinniisut pingasut)
 - e) Kujataa (sinniisut marluk)
 - f) Kangia (sinniisut marluk)
 - g)

**§ 11.
Sinniisoqarfiup inuttalersugaanera**

- 11.1. Sinniisoqarfik imatut inuttalersugaavoq:
- a) KAK-p siulersuisui
 - b) Kattuffiup najukkani immikkoortortaqarfiini sinniisut, tak. § 10.2.
- Sinniisoqarfik ileqquusumik ataatsimiittarpoq ukioq allortarlugu.
- 11.2. Ileqquusumik sinniisoqarfimmi ataatsimiinnissaq allakkatigut nalunaarutigineqassaaq kattuffiup nunap immikkoortuini sinniisunut sivikinnerpaamik sapaatip akunnerini arfineq pingasuni ilimasaaruteqarluni. Aggersaaneq makkuninnga imaqaassaaq:
- a) Sinniisoqarfiup ataatsimiinnissaata ullua nalunaaqutaalu
 - b) Sumiiffia aammalu
 - c) Ullormi oqaluuserisassat
- 11.3. Kinaluunniit aallartitaq sinniisoqarfiup ataatsimiinnerani aalajangersimasumik siunnersuummik oqaluuserisassanngortitsinissamut pisinnaatitaaffeqarpoq, taamatut piumasaqaateqarneq siulersuisunut allakkatigut nassiunneqarsimappat. Kingusinnerpaamik ullut 14-it sioqqullugit siunnersuisoqatigiit ataatsimiinnissaanni siunnersuutit siulersuisunut

nassiunneqarsimassapput. Kingunnerpaamik ullut 10-it sioqqullugit siulersuisut aallartitaniit siunnersuutit tiguneqarsimasut assilineri nassiunneqassapput. Siulittaasussamik siulersuisunilu ilaasortassanik siunnersuuteqarnissamut tunngasut siunnersuuteqartunut periarfissiissut malillugu piffissalernerneqarsimapput. Qinigassaqaqqippat piffissaliussap kingorna qinigassanngortittoqarsinnaavoq. Piffissaliussaq sapaatip akunneranik nikisinneqarsinnaavoq.

- 11.4. Sinniisoqarfik immikkut ittumik ataatsimiissinnaavoq, siulersuisut tamarmiusut, kukkuneruiusiq imaluunniit sinniisoqarfiup ataatsimiinnerani tamanna pissusissamisoortutut nalilersimappassuk. Immikkut ittumik sinniisoqarfiup ataatsimiinnissaanut aggersaasoqarsinnaavoq ullut 14-it iluanni, sammisap aalajangersimasup oqaluuserinissaanut klubbit ilaasortat minnerpaamik affaasa tamanna allakkatigut piumasarisimappassuk.

§12.

- 12.1. lleqqusumik sinniisoqarfiup ataatsimiinnerani makku oqaluuserineqassapput:
- a) Aqutsisumik qinersineq
 - b) Siulittaasup nalunaarutaata saqqummiunneqarnera
 - c) Ukiumoortumik naatsorsuutit saqqummiunneqarnerat
 - d) Ukiumoortumik ilaasortaannermut akiliutip aalajangiunneqarnera
 - e) Siunnersuutit tiguneqarsimasut oqaluuserineqarneri aalajangiiffiqineqarnerilu
 - f) Siulersiusunut siulittaasumik qinersineq
 - g) Siulersuisunut ilaasortanik qinersineq
 - h) Siulersuisunut kingoraartissap siulliup aammalu aappaata qinerneqarnera
 - i) Siulersuisuni siulittaasup aammalu siulersuisunut ilaasortat aningaasarsiassaasa aalajangiunneqarnerat
 - j) Inuussutissarsiutigiginagu arsartartunut aammalu lleqqorissaarnissamut Ataatsimiititaliamut siulittaasumik qinersineq
 - k) Inuussutissarsiutigiginagu arsartartunut aammalu lleqqorissaarnissamut Ataatsimiititaliamut ilaasortat marluk qinerneqarnerat
 - l) Inuussutissarsiutigiginagu arsartartunut aammalu lleqqorissaarnissamut Ataatsimiititaliamut kingoraartissamik ataatsimik qinersineq
 - m) Kukkuneruiusumik qinersineq
 - n) Taasariaqartut allat
- 12.2. Siulersuisuniit qinigaq aqutsisoq sinniisoqarfiup ataatsimiinnerani aqutsisuusaaq aamma apeqqutit tamarmik suliarineqarnerannut, taasisutigineqarnerannut aammalu inernerinut tamanut aalajangiisarluni.
- 12.3. Sinniisoqarfiup ataatsimiinnerani siunnersuutit, oqaluuserisassanut ilanngunneqarsimasut kisimik, aalajangiiffiqisinnaavaat.
- 12.4. Sinniisoqarfimmi aalajangiineq taasinermi amerlanerussuteqarneq aallaavigalugu pisassaaq.
- 12.5. Sinniisoqarfimmi oqaluuserisat kattuffiup ataatsimiinnerini imaqarnilianut allattuiffimmut ilanngunneqassapput aqutsisumit atsiorneqarsimasut.

- 12.6. Malittarisassat allannguutaat sinniisoqarfimmi ataatsimiinnermi allakkatigut taasititsinikkut aalajangerneqarsinnaapput, tassani taasisinnaasut ikinnerpaamik 2/3-iiliisa malittarisassanut allannguutissatut siunnersuut akueralugu taasisimappata.
- 12.7. Sinniisoqarfiup ataatsimiinnera qarasaasiatigut imaluunniit ilaatigut qarasaasianik atortulerluni ingerlanneqarsinnaavoq.

§ 13.

Siulersuisut

- 13.1. KAK-p siulersuisui 5-t 7-llu akornanni ilaasortaqrpoq, taakkulu sinniisoqarfiup qinertarpei.
- 13.2. Siulersuisuni ilaasortat ukiunut sisamanut qinerneqartarput. Aalaakkaasumik ingerlatsisoqarnissaa qulakkeerniarlugu siulersuisuni ilaasortanut ukiut marlukkaarlugit qinersisoqartassaaq, taamaalilluni ilaasortat affai taarserneqartassallutik.
- Imm. 2 – ikaarsaarfinnut aalajangersakkat:
Malittarisassat allangortinneqarnerisa kingorna qinersinermi siullermi siulittaasoq siulersuisullu marluk ukiunut sisamanut qinerneqassapput, ilaasortallu marluk ukiunut marlunnut qinerneqassallutik. Ataatsimiinnermi tullermi marluk pineqartut ukiunut sisamanut taartissaat qinerneqassapput. Tamatuma kingorna ukiunut sisamanut qinersisoqartalissaaq.
- 13.3. Siulersuisunut ilaasorta qinigaaffik sioqqullugu sinniisuuffimminiit tunuarpat, aamma siulersuisunut kingoraartissaq tamatuma kingunerisaanik iserpat, taava siulersuisunut kingoraarteq isertoq qinigaaffiup sinnerani ilaasortaassaaq.
- 13.4. Ilaasortat tunuartut qineqqinneqarsinnaapput.
- 13.5. Sinniisoqarfik siulersuisunut siulittaasumik qinersissaaq. Siulersuisut iluminni siulittaasup tullianik qinersissaaq, taannalu siulittaasup peqannginnerani malittarisassat, siulersuisut suleriaasianni sukumiinerusumik aalajangersarneqarsimasut, malillugit sulissaaq. Taasuma saniatigut siulersuisut iluminni aningaaserisumik qinersissapput. Siulittaasoq, siulittaasup tullia aamma aningaaserisoq qineqqinneqarsinnaapput.
- 13.6. Siulersuisunut ilaasortat ukiumoortumik aningaasarsiaqartassapput, taakkulu ukiunut tulliuttunut marlunnut (2) aningaasarsiaasa annertussusaat sinniisoqarfiup aalajangertassavai. Ilaasortat sinnerinut § 13-imi akissarsiassat allassimasut malinneqassapput.
- 13.7. Siulersuisuni ilaasortat, sinniisoqarfimmi ataatsimiinneq sioqqullugu klubbinut KAK-mut attuumassuteqartumut minnerpaamik qaammatit arfinillit ilaasortaareersimassapput meeqqanullu pinerlussimanginnermut uppersaammik atuuttumik peqassalluni.
- 13.8. Siulersuisuni ilaasorta qisussaataavoq peqatigiiffimmi sulianut peqataassalluni, minnerpaamillu ukiumutu ataatsimiinnermut 75 %-imik peqataassalluni.

13.9 Siulersuisuni ilaasortat KAK-p siunertaani allassimasut aammalu KAK-p nunat tamalaat akornanni kattuffinnut ilaasortangorniarnernanut piunasaqaataasunut malinnillutik sulissapput.

§ 14.

14.1. Siulersuisuni oqaluuserineqartut amerlanerussuteqarnikkut aalajangerneqartassapput. Taasinerit naligiissimappata siulittaasup taasineri aalajangiisuusassaaq. Siulersuisut sulinerat pillugu suleriaatsimi sukumiinerusumik aalajangersaassapput.

14.2. Siulersuisuni ataatsimiinnerni oqaluuserineqartut, kattuffiup ataatsimiinnernut imaqarnilianut allattuiffimmut nalunaarsorneqassapput, taakkulu siulersuisunut ilaasortanit tamanit atsiorneqartassapput.

14.3. Siulersuisut allattoqarfimmi sulisunik kiisalu timersornerup iluani sulianik ilisimasalinnik inunnik atorfinitsitsisinnaapput.

14.4. Siulersuisunut ilaasortat siulersuisunut ilaasortatut sulinerminni ilisimalikkaminnik sunik tamanik nipangiussisussaataapput, pissutsit siulersuisut aalajangiinerat aallaavigalugu imaluunniit inatsisit malillugit avammut tusarliunneqarnissaat aalajangerneqarsimangikkaangat.

§ 15.

Atsiorsinnaatitaaneq

15.1. Siulersuisuni siulittaasoq siulersuisunut ilaasortamik ataatsimik peqateqarluni imaluunniit siulersuisut tamarmiusut peqatigalugit KAK sinnerlugu atsiorsinnaatitaavoq.

§ 16.

Naatsorsuutit kukkunerisuiarnerlu

16.1. KAK-p ukiumut qaammatsiut malillugu ukiumoortumik naatsorsuusiortassaaq.

16.2. Naatsorsuutit naalagaaffimmiit akuerisamit kukkunerisuiusumit imaluunniit kukkunerisuiusumit nalunaarsorsimasumit kukkunerisiorneqartassapput.

16.3. KAK-p naatsorsuutaat kukkunerisiorneqartassapput kukkunerisuiusumit, ileqquusumik sinnisoqarfimmi ataatsimiinnermi ukiut tamaasa imaluunniit ukiut marlukkaarlugit kukkunerisuiusutut qinerneqarsimasumit.

16.4. Ukiumoortumik naatsorsuutini uppersarsarneqartassaaq, inatsisit malillugit meeqqanik pinerliisimanginnermik uppersarsarsaatit pissarsiarineqarsimanerat.

16.5. Sinnisoqarfiup ataatsimiinneranni aalajangiunneqarpoq KAK-p 2024-mut ukiumut nalunaarusiaanut, tamatumalu kingorna kukkunerisuiinernut, suliffeqarfinnut minnernut peruseq nalinginnaasoq malillugu (itisilikkamik misissuineq) kukkunerisuiusoqartassasoq.

§ 17.

KAK-p atorunnaarsinnera

- 17.1. KAK atorunnaarsinneqarsinnaavoq, tamanna sinniisoqarfimmi ataatsimiinnerni tulleriinni marlunni, sivikinnerpaamik sapaatip akunnerini marlunni (2) aammalu sivilunerpaamik sapaatip akunneri sisamat (4) akornanni ingerlanneqartuni, siulersuisut inassuteqarnerisigut aalajangerneqarsimappat, aammalu siunnersuut taasinerit $\frac{3}{4}$ -ii sinnerlugit ataatsimiinnerni marluusuni tamatigut akuersissutigineqarsimappat.
- 17.2. Ilaasortat najuuttut amerlassusaat naammassimanngippat, taava qaammat ataaseq (1) ilimasaaruteqarluni ataatsimiigiaqqusisoqassaaq, tassanilu kattuffimmik atorunnaarsitsinissamik aalajangerneq najuuttut amerlassusaat apeqqutaatinnagu siuliani taaneqartut akuersillutik taasinissamik piumasaqaatit malillugu.
- 17.3. KAK atorunnaarsinneqassagaluarpat, taava KAK-p pigisai Kalaallit Timersoqatigiit Kattuffiannut (GIF-mut) tunniunneqassapput.